

## Akugu 'Ba YUDA

<sup>1</sup> Ma Yuda bo laja 'ba Yësu Kurisitö ame bo löndö ma na ro Yakoba ne. Mëdi mugu waraga nime ziye kpe ame ga kidëki ye, Boko'ba 'bu ko'ö ye 'deni, Yësu Kurisitö këdi kitata ye ne.

<sup>2</sup> Mi këyi ti lende liya ti ako'ö mo koloma tiye ro do kiteli.

### *Bö Kumë Lende Do Kindëndë*

<sup>3</sup> Kpe ame ga mo'ö ye 'deni kulöwö ne, ma ngi ti doki'di kombi 'do tugu lende 'ba tamo ze ma ze tiye di mi töle nime ziye. Tine momeri ma kulöwö ro do kiteli mo go tugu mo ziye toco ye kinza kolake go lende 'ba Boko'ba nime bo ki'di 'deni nge mi koto nburu zi bilaka abo ga ne,

<sup>4</sup> römöyi ya ma kinza kere Boko'ba de moto ga iyaga 'deni liwo kodo kako mi löngö ye. Lije na ro ma këdi kuyi mi lende këyi 'ba Boko'ba za yaga zinni ro a 'ba to'do lende kënye timo lije kilagi di ro Yësu Kurisitö mo ma nge koto kpöki ro nere bo doze mo ne. Ugu 'deni molo tonë kiya te 'do Boko'ba kodo karama dönni.

<sup>5</sup> Kina kozo ame kikalike 'deni pele pili molo ne, mo'doko tiyëti gomo gbi laka ziye ma tonë bo Boko'ba komo Yisarele di mi doyayi 'ba Ezipeto, tine di potö mo 'bowu yayi bo kileki kote do ma kinza ki'di dönni de go lende abo mo ga ngi yaga.

<sup>6</sup> Omerike gbi malayika ma tonë ga koro de go maga 'ba kosi kakpa ma ki'di zinni ne ame lije kebe kilagi go bi ma ki'di zinni mo ne. Boko'ba

udödu lijë ngi ti nyori ma nburunburu mi bi kölu tönë bəri koda do kada löbu nime kedi kako ne 'do bo kodo karama dönni.

<sup>7</sup> Omerike gbi Sodomoni ti Gomora ti mi tiri ma ngila mo ga. Bilaka mo ga o'do lende gbi kozo 'ba malayika naga nime. Kina lijë kombi gomo mo 'deni ro pa'do ma nburunburu ro akileme zi boto pili go ndoro ko'do 'benni ma go yeri ti lende kirasi moto ga.

<sup>8</sup> Kina gbi tara lijë ya naga nime nyi i'di lijë 'deni kirasi yida rönni lijë kilagi kosi kakpa 'ba Boko'ba lijë kiti'ja malayika ame ga ro löbu do kiteli ne.

<sup>9</sup> Tine Mayikolo ame pele ro bo do malayika ni ne o'do de tara mi kada ma lijë kedi kamo ti Satani mi tilaka rönni go toku Musa. Bo ilana ro bo de kogboki Satani ti ti'ja. Tine bo iya abo nge te, "Ni, Boko'ba kamo doy." "

<sup>10</sup> Tine ma 'benni lijë ya naga nime wa ma kinza lijë kikali de pele naga, lijë iti'ja aa ngi. Tine ma lijë kikali mo naga nima akikali mo kapi ngi go doni zinni kozo 'ba yeri 'ba yi moko naga tara ne na ma 'deni kedi kote dönni.

<sup>11</sup> Bu'bu zinni, lijë inda'ba kori bi ndi Kayina 'deni. Go lende 'ba girisi na lijë kusu kpenni 'deni ngi mi lende kenyë ko'do 'ba Balama tönë. Lijë aya 'deni ngi kozo 'ba bo tönë ro Kora ne. Kina kozo ma tönë kupö bo ne, na kupö lijë 'deni gbi tara.

<sup>12</sup> Lijë ngi kozo akididi ziye mi akonyo 'ba karama 'be ga, rönni kaya de yo. Lende 'ba gbagba nni ga na nge lijë komeri. Lijë ngi kozo poli ame lili kombi kari timo toro mo ka'di de yo

ne. Lijë ngi kozo ngëri ma kinza kana dë naga, pele mi kpa dolili. Lijë ngi kozo ngëri ame koto 'deni bëri ti ngira'da mo kututu ë'bënni 'deni ne.

<sup>13</sup> Lijë ngi kozo mini ma kikagba ti surupu 'ba domo mi lende ko'do kinza ro kaya 'bënni nima. Lijë ngi kozo këlu ma kulë 'ba mitoro ame Boko'ba kilejo go bi mo 'deni mi bi kölu 'ba Gehena ne.

<sup>14</sup> Enoka kupö ma ro mi modokoto ma kodo kako di zi Adama na kumë lende nime 'deni go kö'du 'bënni. Ame kiya te, "Ongö te, nere Boko'ba ti kako ti tindi 'ba malayika koto laka abo ga

<sup>15</sup> to'do burë 'ba boto pili, todo karama do bo kilagi Boko'ba naga nima go lende kirasi 'bënni ame ga pili lijë ko'do ne gbi ti ma donde'de lijë koja ro Boko'ba."

<sup>16</sup> Ya naga nime lende 'bënni nburu ro tonboro rönni toto kënyë kpa lepï nni ga. Ako'doko 'ba lende kënyë 'bënni ga na lijë kinda'ba kori mo. Lijë ëbi rönni nime te lijë ko'do kpa konmi zi lepï nni ga to'ja kori timo zinni.

### *Ndose*

<sup>17</sup> Tine kpe lepï ma ga ame mo'ö ye kulöwö ne, omerike a tonë ga bo laja 'ba Yësu Kurisito nere ze kiya molo ziye bine ne te.

<sup>18</sup> Lijë iya 'deni ziye te, "Ödo kada ma nburunburu kömö 'deni, bilaka moto ga ti kodo topoto ye. Lijë na ro ma kösö go ako'doko 'bënni 'ba tilagi Boko'ba naga."

<sup>19</sup> Lijë na ro bo këdi ko'de ro koza mo tonë ga. Ako'doko 'ba yida rönni ga na mbiri dönni, a moto ro Nyi Koto Laka inza minni.

<sup>20</sup> Ne kpe 'beye lēpī ma ga, uluke rōye nduwē kiyōbuke mī lende laka nīme kinda'bake 'deni ne. Umōtuke ti tigo 'ba Nyī Kōtō Laka.

<sup>21</sup> Kina ogbōke rōye ti mī akō'ō 'ba Bōko'ba kōzō ame kēddī kodake Yēsu Kurīsītō nēre ze 'deni 'dō ki'di dīdī ma nburunburu ziye ti mī kēyī abo ne.

<sup>22</sup> Ilemeke mī kēyī zi ma dōmo kilikō 'deni naga.

<sup>23</sup> Ōmōke mōtō mo ga tolō mo yaga di mī pa'do. Ilemeke mī kēyī gbī zi ya mōtō ga, tine bōngō 'ba rōnnī mo naga nīma kērī kulōwō di zi ndōrō 'ba gō lende kēnyē ne na 'dō ko'jike kinza kiyōlu rōye.

### *Mōtu*

<sup>24-25</sup> Rō lōbu ti tigo dō kiteli ti kōzī kakpa ti tigo ma tōnē mo mōlo gba kinza ōtō kisaki rōnī dē kō'bō nduwē ko'ja kabate 'deni rō nburunburu ne kēdī zi Bōko'ba bō togbo ye di mī la'ba ko'de ye kinza a ma kēnyē mōtō zi bo ti tiliya, ame bo Bōko'ba na nge kōtō rō bō tōmō ze ti Yēsu Kurīsītō ne. Amini.

**Jur Mödö**  
**Jur Modo: Ndose Kodo Laka, Buku 'ba Tisaki ni Todo**  
**to Lömu La'ja 'Ba Yösu Kurisitö Nere Ze New**  
**Testament+**

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

---

PDF generated using Haiola and XeLaTeX on 25 Apr 2025 from source  
files dated 26 Apr 2025

4cdbc69b-5207-55d8-8df2-e743cba8dc07